

Gij Dinfwngz Guh Faenjsuemj Binhyangz

□ Godoq comz hoiz

Faenjhaeux Binhyangz youq Ciuzbwzsong duenh Vangzyou couh miz, daengz seizneix gaeng miz baenz cien bi nanz; faenjsoemj Binhyangz dwg cieq gij dinfwngz guh faenjhaeux Binhyangz le gajbienq caeuq cau-moq guhbaenz, daihgaiq youq Ciuzmingzcauz raen miz, daengz seizneix hix miz 600 lai bi nanz lo.

Gij hong caeuq mbaek guh faenjsuemj Binhyangz haenx beij guh faenjhaeux wng lai lai. Ndawde gij daeuz miz sam mbaek. Mbaek daih' it dwg muh haeux caeuq naengj faenj. Yaek senj aeu gij haeuxsan haeuxlaeng, ceh ndaej 24 aen cungdaeuz caemhcai q swiqseuq. Muh haeuxsan ceh ndei yaek aeu muhrin daeuj muh, raemxhaeux yaek caem daih giengh 7 ngoenz, daih giengh seiz yaek ciuq mbwn ndatnit mbouj doxdoengz couh mbouj dinghseiz lawh raemx. Naengj raemxhaeux yaek yungh aen fap coq buenzdak hung

naengj, naengj diuz ndeu cug le couh daeb diuz ndeu caemhcai q cat caengz youzduh ndeu. Mbaek daihngaih dwg guh liuhboiq. Byaekboiq miz nohgangq, naeng-nohcaq, nohvaiz caq, saejlab caq, duhnamh roxnaeuz duhhenj caq caemhcai q lij miz lwgbien ndip iep dem. Mbaek daihsam dwg cawj raemxciengq, guh raemx dangzmeiq. Aeu naengmakgam sau, batgak, coenghom daengj cib lai cungj liuhhom coq ndaw daehbaengzsa bae, gya raemx, gyu, hauzyouz, veicingh daengj gya raeuj cawj baenz raemxciengq. Caiq aeu dangz, gyu, meiqhaeux gyaux dangzmeiq baenz hab bak bae.

Faenjsuemj Binhyangz raeuz cix mbouj niu, unq cix mbouj yungz, nyangq cix mbouj geng, soemj cix mbouj coeg, manh cix mbouj haenq, hom cix mbouj huj, byot cix mbouj roz, dwg gijgw ndeigwn youq seizhah gaj hat gaj ndat, siu ndat ndaej liengz, daj ciuhgeq doxdaeuj couh mingz

riuz ndawbiengz, haujlai vunz youh gyaenz youh maij.

Bi 2010, gij dinfwngz guh faenjsuemj Binhyangz ndaej senj haeuj daihsam buek swigih gaep feihvuzciz vwnzva yizcanj mingzloeg.

Bi 2009, duenh hai Daengx Guek Daihseiq Gaiq Saujsu Minzcuz Conzdungj Dijyuz Yindungvei haenx, faenjsuemj Binhyangz ndaej haeuj Namzningz diuzgai gijgw i q haenx, baenz le gijgw i q vunz dingh' aeu. Bi 1995 caeuq bi 2000, faenjsuemj Binhyangz laebdaeb ndaej heuhguh "gijgw i q maenhndei" caeuq "gijgw i q mizmingz" Guengjsae. Faenjsuemj Binhyangz hix daj cungj gijgw i q cug mbaek ndaej haeuj gij ciujlaeuz fanden gauhdangj.

► Vunz maij gwn faenjsuemj Binhyangz lai dahraix.



▲ Vanj faenjsuemj Binhyangz vunz raen myaiz raengh bae.



▲ Gij naengfaenj guh faenjsuemj aeu ronq diuz lai hung.



▲ Saefouh cingq guh faenjsuemj Binhyangz.



▲ Liuhboiq faenjsuemj youh youqgaenj youh lai.



▲ Raemx dangzmeiq hom youh vansingj.



▲ Ronq faenj hix aeu goengfou.



▲ Doenghyiengh boiq faenjsuemj.



▲ Noh boiq youh byot youh hom.